



Broj: 07.2-35.23-25/14-21  
Sarajevo, 7.3.2014. godine

## **SVIM MEDIJSKIM KUĆAMA**

**Predmet: Poziv na ceremoniju povodom završetka aktivnosti na obnovi mlinica u Mostaru i obavještenje o održavanju radionice „Izazovi u implementaciji planova upravljanja za područja svjetske baštine“**

Komisija za očuvanje nacionalnih spomenika BiH poziva Vas na ceremoniju na kojoj će biti predstavljeni rezultati prve faze projekta EX.PO AUS - EXtension of POtentiality of Adriatic Unesco Sites - Povećanje korištenja mogućnosti jadranskih UNESCO lokaliteta te na radionicu pod nazivom „Izazovi u implementaciji planova upravljanja za područja svjetske baštine“ organizovanu u sklopu navedenog projekta.

**Ceremonija će se održati na mlinici u Zahumlju, Mostar u ponedjeljak, 10. marta 2013. godine, s početkom u 10:30 sati.**

Prije početka ceremonije, u 10:00, planiran je obilazak mlinice u Cernici.

**Radionica će se održati u Mostaru, u hotelu Bristol, u ponedjeljak, 10. marta 2013. godine, s početkom u 12:00 sati.**

Prije početka rada radionice zainteresirani predstavnici medija mogu uzeti izjave od učesnika i predavača na radionici.

Prisutnim zvanicama na oba događaja će se obratiti:

- **Predsjedavajuća Komisije za očuvanje nacionalnih spomenika Bosne i Hercegovine – Amra Hadžimuhamedović i**
- **Glavna savjetnica Grada Mostara - Radmila Komadina.**

U okviru ceremonije bit će prezentirana i izložba panoa mlinica sa područja grada Mostara.

Radionica je organizirana od strane Komisije za očuvanje nacionalnih spomenika u saradnji sa Centrom za konzervaciju i arheologiju Crne Gore a u okviru implementacije dijela projekta EX.PO AUS pod nazivom Prekogranično održivo upravljanje UNESCO-vih lokaliteta na Jadranu. Cilj navedenog dijela projekta jeste da se kroz organizaciju šest lokalnih radionica (u šest zemalja partnera projekta) definiše Inter-jadranski zajednički pristup održivoj valorizaciji UNESCO lokaliteta.

Na radionici će Mirela Mulalić Handan, izvršni dužnosnik Komisije, prezentirati izazove u implementaciji planova upravljanja za lokalitete svjetskog naslijeđa u Bosni i Hercegovini a Katri Lisitzin, arhitektice i konsultantkinje za kulturno naslijeđe, izazove u implementaciju planova upravljanja i iskustva u izradi *risk management plans*. Nakon uvodnih predavanja predviđena je panel diskusija.

Projekt EX.PO AUS je prekogranični projekt sufinansiran sredstvima Evropske unije u okviru IPA Programa jadranske prekogranične saradnje 2007-2013. U projekt je uključeno dvanaest partnera iz sedam država na Jadranu a u Bosni i Hercegovini ga implementira Komisija za očuvanje nacionalnih spomenika.

Ljubazno Vas molimo da popratite ovaj događaj.

Napomena: Mlinica u Zahumlju se nalazi u blizini Katoličke crkve sa franjevačkim samostanom u Mostaru, na raskršću ulica Bulevar i Onešćukova. Planirano je da se u 10:00 sati svi okupe ispred mlinice u Zahumlju, te u pratnji predstavnika Komisije prošetaju do mlinice u Cernici koja se nalazi u neposrednoj blizini Starog mosta.

Za više informacija kako doći do lokacija mlinica u Zahumlju i Cernici molim Vas da kontaktirate Komisiju na broj telefona 033 276-760 ili 061/473-105.

S poštovanjem,

**Izvršni funkcioner**

**Mirela Mulalić Handan**